

欽定中樞政考續纂

兵部謹

奏爲中樞政考則例繙譯清書完竣繕寫

黃冊恭呈

御覽事前經臣部奏准修改則例謹將嘉慶二十二

年以後歷年欽奉

聖訓及恭奉

諭旨併近年奏准各章程應行增刪修改之處逐一

詳加酌覈徧查恭纂此次修改中樞政考聲明  
請將漢書正本及漢書板片併爲一次清書正

本爲一次清書板片及續纂事例爲一次臣等  
業將漢書正本及漢書板片樣本辦理完竣均  
已陸續進

呈奏請接辦清書正本臣等飭令提調等官督率

該供事等詳慎經理現將清書辦理完竣計八  
旗三十二卷緣營四十卷統計七十二卷繕寫  
黃冊裝滿十八函恭呈

御覽伏候

欽定飭發臣部接辦清書板片及續纂事例原額供

事六十六名內卽照奏定額數應行減去二十  
六名令其自備資斧鳩工辦理勒限一年將清  
書則例全行刊竣刷印樣本并續纂事例繕寫  
清漢

黃冊隨同進

呈以便頒發如果依限完竣可否量予議敘再行  
請

旨辦理此次辦理中樞政考清書正本除臣等並提  
調校對繕譯等官不敢仰邀議敘外所有供事

六十六名可否卽照上次中樞政考漢書告成  
之例一體給與議敘之處出自

皇上天恩如蒙

俞允臣部分別等第造冊移咨吏部覈辦再臣部續

纂處分則例前經奏明陸續編纂另行進

呈除清書

黃冊繕寫尙未完竣容臣等詳細校閱另行進

呈外謹先敬繕漢書

黃冊一併呈

覽合併聲明爲此謹

奏請

旨道光九年六月初六日奏本日奉

旨著准其議敘欽此

兵部謹

奏爲中樞政考清書則例板片刊刻完竣刷印樣  
本并續纂事例繕寫清漢

黃冊一併恭呈

御覽事前經臣部奏准修改則例定以漢書正本及  
板片併爲一次清書正本爲一次清書板片及  
續纂事例爲一次臣等業將漢書正本板片及  
清書正本辦理完竣陸續進

呈仰蒙

欽定飭發臣部接辦清書板片及續纂事例原額供事六十六名內卽照奏定額數刪去二十六名令其自備資斧鳩工辦理將清書則例全行刊竣刷印樣本并續纂事例繕寫清漢

黃冊隨同進

呈以便頒發可否量予議敘再行請

旨辦理並臣部續纂處分則例敬繕漢書

黃冊一併呈

覽等因具奏奉



旨依議欽此欽遵在案。臣等隨飭令提調等官督率該供事等詳慎經理將清書繕寫副本購辦板片鳩工刊刻計清書則例七十二卷現已刊刻完竣刷印樣本裝潢十八函並續纂事例計八旗一卷緣營三卷敬繕清漢

黃冊裝潢二函又續纂處分則例清書裝潢一函一併恭呈

御覽伏候

欽定飭發臣部卽將中樞政考清書照例刷印並續

纂中樞政考及續纂處分則例另行刊刻刷印  
一體頒發俾內外得以遵行除臣等並提調等  
官不敢仰邀議敘外所有供事四十名可不卽  
照上次清書正本告成之例給與議敘之處出  
自

皇上天恩如蒙

俞允臣部分別等第造冊移咨吏部核辦爲此謹

奏請

旨道光十二年十二月初九日具奏本日奉

旨知道了欽此

欽定中樞政考續纂卷之一

兵部堂官

大學士總理兵部事務 公<sub>臣</sub>長齡

兵部尙書調任伊犁將軍<sub>臣</sub>玉麟

兵部尙書現任理藩院左侍郎<sub>臣</sub>松筠

署兵部尙書現任工部尙書<sub>臣</sub>穆彰阿

兵部尙書<sub>臣</sub>那清安

經筵講官兵部尙書<sub>臣</sub>王宗誠

兵部左侍郎調任吏部左侍郎<sub>臣</sub>宗奕經

兵部左侍郎現任泰寧鎮總兵臣奎照

兵部左侍郎現任吉林將軍臣宗寶興

署兵部左侍郎現任工部右侍郎公臣宗裕誠

兵部左侍郎現任熱河都統臣保昌

兵部左侍郎現任理藩院尙書公臣博啟圖

兵部左侍郎調任刑部左侍郎臣凱音布

兵部左侍郎臣鐵麟

署兵部左侍郎現任戶部右侍郎臣李宗昉

兵部左侍郎陞任工部尙書臣朱士彥

前任兵部左侍郎臣賈允升

署兵部左侍郎現任刑部左侍郎臣史致儼

兵部左侍郎調任吏部左侍郎臣桂輪

兵部左侍郎臣張鱗

署兵部左侍郎現任禮部左侍郎臣桂齡

署兵部左侍郎現任工部右侍郎臣姚元之

兵部右侍郎現任察哈爾都統臣武忠額

兵部右侍郎臣奕紀

兵部右侍郎現任吏部右侍郎臣何淩漢

兵部右侍郎現任戶部左侍郎臣湯金釗

兵部右侍郎臣王楚堂

提調官

武選司掌印郎中陞任光祿寺少卿臣嵩濂

武選司掌印郎中陞任浙江金衢嚴道臣德興

武選司郎中陞任福建遺缺知府臣周彥

武選司郎中臣趙珥彤

武選司郎中臣厲同勳

車駕司掌印郎中陞任廣東瓊州府知府臣富爾崇阿

車駕司掌印郎中臣齡椿

職方司掌印郎中兼公中佐領臣關聖保

職方司郎中臣廉志勳

武庫司掌印郎中臣培鈞

武庫司候補郎中臣徐祖培

武選司掌印員外郎陞任四川保寧府知府臣恒昌

武選司掌印員外郎陞任湖北蕪陽府知府臣阿爾琿阿

武選司掌印員外郎臣普泰

車駕司員外郎臣支桂



職方司主事臣明誼

纂修官

武庫司郎中臣景善

武選司員外郎臣承志

職方司員外郎臣文德和

車駕司額外員外郎臣沈鵬

車駕司主事臣於燦文

職方司堂主事臣英祿

職方司主事臣世興

職方司主事臣殷德秦

武選司候補主事臣張福厚

武選司候補主事臣徐上鏞

武庫司候補主事臣陳通曾

武庫司額外主事臣王本梧

武庫司候補司務臣韓文

校對官

武選司郎中臣蘇良貴

車駕司郎中臣吉齡

武選司候補郎中臣吳運樞

武庫司員外郎臣八十二

武選司候補員外郎臣王錫琨

武選司主事臣聶滿達

武選司主事臣德克金布

武選司候補主事臣李修文

職方司候補主事臣德溥

職方司候補主事臣洪錫璜

職方司候補主事臣汪玉

武庫司候補主事臣保成

車駕司筆帖式臣德楞額

車駕司筆帖式臣瑞安

欽定中樞政考續纂目錄 卷之一

八旗

翼長揀選

陵寢總管

不識滿洲蒙古文不准保送總管

協領期滿出具切實考語送部引

見

補放山海關協領等官

熱河蒙古改武筆帖式間缺陞補

世管佐領犯贓革職子孫不准承襲

停止年班進京

閑散告假外出逾限

旗人出外滋事

滿洲蒙古出旗爲民

兵丁閑散逃走

旗人收回田產限制

旗人滋事銷檔

旗營帶領引

見執事人員預期開送備查

砍伐木植委員勸懲

修蓋雙城堡房間委員勸懲

祭祀執事人員先期發給傳牌

巡查圍場不准攜帶鳥槍

軍政卓異人員秉公保薦

營伍認真操演

新疆官兵訓練操防

竊案按季具奏分別勤惰

新疆稅課不准減免

侍衛旗營官兵弓軟技庸斥革

八旗竊案督緝勸懲

派管營房侍衛平滿紀錄毋庸陞等

盛京城內外戲班概行驅逐

刑名行查事件限期

熱河額魯特總管等給與馬乾

八旗各營拴養散圈馬匹稽查點驗

扈從官兵



恩賞銀兩及賞給馬數

繙譯考試派左右翼副都統各一員稽查彈

壓

雲騎尉等兼印務章京其子不准挑補養育

兵

在京八旗各營及各省駐防甲缺以六力官

弓挑補

翼長揀選

陵寢總管

道光八年五月內奉

上諭奕緒等奏應陞總管人員請將舊例量爲變通  
一摺向來

陵寢總管缺出祇以京旗應陞人員帶領引見茲據奕  
緒等奏本處翼長人員與總管一體辦理八旗事  
務頗有才能造就並無陞轉之途懇請變通舊例  
嗣後

東陵

西陵總管缺出着該管大臣等於本處翼長內秉公揀  
選一員送京與京旗應陞人員一體帶領引見如  
翼長中不得其人毋須濫竽充數欽此

不識滿洲蒙古文不准保送總管

道光十年二月內奉

上諭福克精阿等奏甄別總管一摺察哈爾鑲白旗  
總管常德不識滿洲蒙古文字於公事未能明晰  
不勝總管之任著飭令回原營當差太僕寺右翼  
牧羣總管都哈爾前因馬匹倒斃過多降爲六品  
頂帶該員近來辦理牧務仍多廢弛尙無別項劣  
蹟著降爲翼長仍留該翼候補以觀後效各該處  
總管有統轄一旗之責似此不識滿洲蒙古文字

青囊能辦理公事嗣後各該旗營保送總管及揀  
選之王大臣務須認真考察毋得以不識滿洲蒙  
古文字之員濫竽充數欽此

協領期滿出具切實考語送部引

見

道光六年十月內奉

旨從前伊犁等處協領年滿後果能奮勉人去得堪  
膺簡用或僅勝協領之任不堪簡用者均由該將  
軍等分別出具考語送部引見至各省駐防協領  
年滿送部引見亦應照此辦理著交各省將軍都  
統副都統嗣後各駐防協領六年十二年期滿送  
部引見時或人去得堪膺簡用或僅勝協領之任

者俱分別出具切實考語一併咨部不可稍涉瞻  
徇如該協領等記名補用後倘才力不及不能勝  
任或操守平常并犯私罪惟原保之人是問决不  
寬貸欽此

補放山海關協領等官

一山海關協領佐領防禦缺出該副都統於應陞人員內不論翼旗滿洲蒙古一體揀選喜峯口防守尉缺出以永平冷口二處防守尉揀選奏調所遺員缺仍以五處防禦補放如永平冷口二處防守尉無堪調之員仍於五處防禦內揀選陞補其永平冷口二處防守尉並各屬防禦缺出均不論翼旗滿洲蒙古一體揀選擬定正陪保送兵部轉咨該旗帶



領引

見補放此內防禦缺出將行走已滿三年之驍騎校  
揀選保送至驍騎校缺出該副都統於七八  
品官領催甲兵內均按翼不論滿洲蒙古內  
揀選年久漢仗好能管轄者擬定正陪保送  
兵部轉咨該旗帶領引

見補放

熱河蒙古改武筆帖式間缺陞補

一熱河蒙古驍騎校缺出以前鋒校與年滿改  
武筆帖式相間輪用其滿洲改武筆帖式仍  
俟前鋒校用過三缺後補用一人

世管佐領犯贓革職子孫不准承襲

道光五年九月內奉

旨前因世管佐領保陞犯貪婪私罪革職出缺該旗  
以其子阿林擬正請襲世職當交兵部詳查有無  
似此成案茲據查明該部定例凡世職犯私罪革  
職有餘罪者子孫不准承襲革職無餘罪者子孫  
俱准承襲並將准襲不准襲成案開單覆奏朕思  
世職人員緣事革職其所犯情罪自有不同兵部  
定例僅以有無餘罪爲斷不足以示區別現閱單

開成案與定例固無歧異若以罪犯贓私者亦准  
照例承襲其何以徹貪墨嗣後凡世職人員有因  
犯贓之案革職並無餘罪者其子孫俱不准承襲  
著爲令此次已革佐領保陞所出世職之缺不准  
以其子阿林承襲著該旗另行揀員帶領引見欽  
此

停止年班進京

道光十二年正月內奉

上諭向來盛京五部侍郎及各省將軍都統副都統  
城守尉總管等有年班輪替進京之例嗣後著俟  
到任之日起扣滿三年奏請陛見俱毋庸年班進  
京至直隸總督古北口提督每遇鑾輅巡幸時得  
以扈從召見其年班進京之例亦著停止欽此

閑散告假外出逾限

一八旗閑散告假外出其回京不必勒定限期如在外有事逗遛准其報明地方官行文該旗存案回京之日仍准挑差倘出京已逾一年並無地方官展限文書到京卽行銷除旗檔各該旗於每年年終將一年內告假若干人業已回京某未回京某有地方官展限文書到京某無文書到京一一分晰註明咨報戶兵二部存案其出京一年之限除往返程

途及文書程限外扣滿一年尙未回京年終  
彙齊將無展限文書到京者銷除旗檔如有  
展限文書到京不以逾限論

旗人出外滋事

一旗人告假外出及逃走在外如有不安本分  
滋事者卽由各該地方官審理如犯笞杖枷  
責罪名與民人一體板責毋庸知照京旗犯  
徒流軍遣及死罪者與民人一體辦理將原  
領圖記執照咨繳京旗銷檔若投往親族任

所倚恃尊長挾詐需索准本官呈明上司究辦輕則遞解回旗重則照例懲辦銷除旗檔滿洲蒙古出旗爲民

一八旗滿洲蒙古告假外出如因在外年久或立有產業娶有妻室人地相安情願出旗爲民者准照漢軍例呈明該處地方官將原領圖記執照咨繳原旗編入民籍

兵丁開散逃走

一八旗兵丁開散初次逃走一月內投回者仍



准免罪挑差若逾限一月及二次逃走者雖  
自行投回均卽行銷除旗檔

旗人收回田產限制

一旗人如近京并

盛京等處有地畝可種者准其告假自往清查如  
願自種准其呈明遷徙居住或與原佃之人  
夥種分糧或撤出一半自行耕種仍留一半  
與原佃耕種若佃戶家奴強霸旗產不容撤  
出者准其呈明地方官究辦若旗人必欲全

行撤出不肯留一半與原佃耕種者仍照奪佃之例辦理

旗人滋事銷檔

一旗人犯盜犯竊及登臺唱戲寡廉鮮恥有玷旗籍者連子孫一併銷除旗檔窩竊窩娼窩賭及誣告訛詐行同無賴不顧行止並棍徒擾害教誘宗室爲非造賣賭具捏造假契行使假銀描畫錢票代賊銷贓一切誑騙詐欺取財以竊盜論准竊盜論之類俱銷除旗檔

照民人例徒流軍遣一體問擬不准折枷如  
有心開脫者以故出人罪論

旗營帶領引

見執事人員預期開送備查

道光四年十一月內奉

旨各部院衙門帶領引見止應執事人員進乾清門  
餘人不准進內昨日引見人員進內有鑲紅旗藍  
翎長明海隨衆入乾清門實屬違制著照御前大  
臣叅奏照例重處斥革其失察之該管護軍統領  
音登額著交部議處乾清門值班之侍衛章京景  
寶著照所奏罰俸三個月嗣後各部院衙門旗營

引見人等進內各將派定人數繕寫清單預期送  
管門大臣備查倘若疎懈混入一併查出從重治  
罪決不寬貸欽此

砍伐木植委員勸懲

道光五年十月內奉

上諭富俊等奏叅伐木遲誤之員並籌款加賞鹽菜銀兩一摺佐領訥恩登阿等前因委辦木植屢催未交經富俊等奏請摘去頂帶勒限交納今復逾限仍未交足訥恩登阿尙欠交木植二千一百餘根實屬延玩訥恩登阿著交部議處所欠木植勒令明年如數交納至已故佐領阿勒金太所欠木植除伊子圖克唐阿設法砍運交納外上欠二千

六百餘根著該將軍勒限明年開河後全數交足如再遲逾不交卽行咨叅嚴懲其所請加賞伐木兵丁鹽菜銀兩著卽於吉林義倉穀價現存款內動支銀一萬兩發商生息每歲所得息銀一千二百兩每兵加賞銀四兩共需銀八百兩其餘息銀四百兩卽著歸還原款又據另片奏砍伐木植勸懲章程著照所請該委員果於年前照依丈尺數目砍伐齊全次年八月內全數交足咨部給予紀錄二次如運到木植尺寸不敷除將細小木植入

官外飭令照數補伐趕運免其議處若當年不能  
交納遲至次年運交者罰俸一年倘次年仍不全  
交卽將該委員降二級留任仍罰俸一年以示懲  
儆欽此



修蓋雙城堡房間委員勸懲

道光五年十一月內奉

上諭富俊等奏派員修蓋京旗房間請嚴定勸懲章程等語明年修蓋雙城堡移駐京旗房間一百五十所據該將軍等奏應派協領二員監修於佐領防禦內派委八員承修自應嚴定章程分別勸懲以期修理妥速如式著照所請所有派出承修各員如照定式做法於八月內修竣者准給紀錄二次如泥工完竣木工於九月內完者准其功過相

抵如修不如式或院牆未築及未鎮牆頂者罰俸  
一年如至九月底仍未修竣者降一級留任仍罰  
俸一年倘有偷工減料之員著卽嚴叅治罪至兩  
翼協領督修如能於八月內修竣三旗五十六所  
者准給紀錄二次如至九月尚有未能齊全者罰  
俸一年該將軍等卽責令各該員依限興修務期  
工堅料實毋許顛預草率致滋弊端該部知道欽  
此

祭祀執事人員先期發給傳牌

道光七年三月內奉

上諭前據奕紹奏初十日告祭

奉先殿獻爵侍衛到班遲誤請交領侍衛內大臣查明  
具奏當以所奏未能明晰命軍機大臣傳旨詢問  
據稱獻爵遲誤十六員內禮成後趕到者十二員  
其餘四員竟未趕到係令獻帛侍衛幫同獻爵於  
典禮尚未貽誤等語祀典至鉅執事者各有專司  
均宜肅恭將事卽以獻帛之員恭代獻爵已屬不

令乃將初獻之爵先行陳設尤屬愆儀現據領侍衛內大臣等將遲誤各員查明叅奏本應嚴辦示懲念係初次不到姑從薄罰恒敏永范中達綿護四員竟未到班著卽革去侍衛仍交宗人府嚴加議處承順祝康敬斌秀年世增奕幸吉亮秀鶴興昌九員到班已遲俱著交宗人府嚴加議處康保因在內值班伊家人未能將傳牌送進遲誤尚出有因著加恩免其交議其寶齡在圓明園值班敬凱未經接到傳牌既據領侍衛內大臣查明屬實

均毋庸議至奕紹以親王奉派行禮又係領侍衛  
內大臣卽應將該侍衛等遲誤緣由查明據實嚴  
參何得含糊具奏塞責嗣後凡遇祭祀應派執事  
人員著該管官先期發給傳牌俾得早爲預備如  
有遲誤失儀等事卽著派出行禮之阿哥王公等  
據實奏奏勿得瞻徇姑息以昭慎重欽此

巡查圍場不准攜帶鳥槍

道光七年七月內奉

上諭據富俊具奏遵旨擬定巡查圍場章程一摺前  
交富俊將巡查圍場之官兵如何隨帶軍器不致  
傷損牲畜並捕賊得力之處著定擬具奏今據富  
俊具奏巡查圍場官兵如若攜帶鳥槍不惟傷損  
牲畜並將圍場內獸隻盡行驚散以後巡查圍場  
官兵仍不准攜帶鳥槍除隨帶弓箭外併令添帶  
長槍則官兵不致傷害牲畜且於技藝亦不致廢

金史卷一百一十五 列傳第五十五  
弛所擬甚是卽照富俊所奏行並著留心稽察該  
官兵等倘有陽奉陰違並不實心捕賊任意傷害  
牲畜一經查出卽行指名嚴叅具奏勿許姑容欽  
此

軍政卓異人員秉公保薦

道光八年四月內奉

旨昨日兵部將軍政卓異之京口協領全亮張家口  
佐領塔克什布帶領引見該二員步射甚屬平常  
全亮塔克什布著不准卓異協領佐領有教導兵  
丁之責騎射自宜嫻熟乃全亮塔克什布步箭平  
常何能訓練兵丁該將軍大臣等將此等人員薦  
舉卓異並不論其騎射實屬非是前任江寧將軍  
前任京口副都統穆耶阿署察哈爾都統副



都統福克精阿俱著交部察議並曉諭各省將軍  
副都統等嗣後軍政卓異人員務各秉公保薦不  
惟著有勞績長於辦事尤須馬步嫻熟方可入選  
若再將此等人員薦舉卓異引見時經朕看出必  
將該將軍副都統交部議處決不寬貸欽此

營伍認真操演

道光八年六月內奉

上諭國家建立營伍修明武備全在平時訓練精熟方能得用惟承平日久各省駐防綠營將弁不免自耽安逸諸多廢弛各該管大員果能竭力整頓隨時認真操演自能使營務日有起色著通諭各將軍都統督撫提鎮於駐防綠旗將弁士卒督率練習務期一日有一日之功一兵有一兵之用斷不可任其委靡不振無裨戰守經此次訓飭之後

倘不痛懲惡習實心振刷以致兵力漸形軟弱經  
朕覽察定將該管大員無論現任歷任一併從重  
治罪決不寬恕該將軍督撫等身受重恩其各加  
意策勵簡練精嚴以副朕整飭戎行諄諄誥誡之  
至意併著將此旨各錄一道實貼衙署或教場俾  
觸目警心日久無懈欽此

新疆官兵訓練操防

道光八年六月內奉

上諭上年回疆滋事征調各處官兵據長齡楊遇霖等奏稱烏魯木齊駐防官兵最形軟弱昨那彥成奏回疆增設防兵摺內亦稱該處馬隊弓馬平常技藝生疎難期得力總由該都統領隊大臣等平日因循廢弛昧良耽遲不肯隨時整頓所致本應嚴加懲治念其事屬已往非祇一人一任姑免查究嗣後該都統務當督率領隊實心實力訓練操

防必期一兵有一兵之用如仍毫無起色恐該都  
統等不能當此重咎也並此外各城辦事領隊大  
臣俱著一體督飭弁兵勤加操演悉成勁旅俾平  
時可資捍衛有事可以折衝方爲不負委任不可  
因軍務告竣又形懈弛倘有視爲具文仍前怠玩  
經朕查出或因事顯露必將該管之員無論現任  
懸任一併從重治罪決不寬貸著將此旨實貼衙  
署或教場俾知儆省日久毋怠將此通諭知之欽

此

竊案按季具奏分別勤惰

道光九年二月內奉

上諭給事中吳敬恆奏請嚴定緝捕章程一摺京師  
爲輦轂重地理宜肅清豈容宵小潛跡屢經降旨  
諭令各該衙門認真緝捕並嚴禁捕役縱庇乃近  
來五城竊案愈積愈多卽間有報獲之案亦贓物  
微細暫爲搪塞其計贓逾貫情節較重者迄無弋  
獲總由該捕役等縱容包庇平日利其贓物臨時  
得錢賣放此等積弊實爲可惡著通諭步軍統領

順天府五城嗣後務當嚴行督緝有犯必獲每年  
將報竊各案統計已獲未獲及獲犯過半各若干  
於春秋二季開列清單具奏分別勤惰照例覆辦  
如捕役等仍復叅賊養奸立即從重究治倘該管  
官視爲具文漫不經心或隱漏規避致蹈故習卽  
著嚴叅照例懲處毋稍寬貸欽此

新疆稅課不准減免

道光九年二月內奉

上諭那彥成等奏請重申抽收外夷稅課定例一摺  
回疆自開闢以來曾經奏定章程外夷貨物入卡  
貿易每三十分抽稅一分原非重課特藉以稽察  
各處出入慎重邊防立法本爲至善乃近年以來  
各該大臣因外夷懇求免稅卽量准減免且有全  
行免稅者殊屬不知大體著通諭喀什噶爾葉爾  
羌烏什各城大臣嗣後各夷入卡販易務當遵照



舊制每三十分抽稅一分無論何處部落概不准  
絲毫減免如各城大臣濫行減免稅課著該叅贊  
大臣據實叅奏倘叅贊大臣有減免情事著伊犁  
將軍及各城大臣據實叅奏均照違制例交部嚴  
加議處毋得日久玩視以肅法令欽此

侍衛旗營官兵弓軟技庸斥革

道光九年三月內奉

旨管理值年旗王大臣等覈議富俊陳奏旗營設立  
官弓統較弓力揀選議請挑缺時仍視其箭之中  
靶與否以爲去取並稱不得以專開勁弓便爲合  
式不知挽強而不能命中固難取錄若祇能命中  
而弓力過軟亦豈旗營儲才本意所議皆一片畏  
難討好之心巧爲駁斥忘本偷安不思振作且於  
設立官弓何以難行並未明白聲敘殊屬含混著

仍交該值年旗另行妥議具奏嗣後各項侍衛及  
各旗營練習技藝選拔官兵總期挽強命中不得  
偏廢倘該員弁等於引見及校閱時經朕察出弓  
軟技庸者除將該官員兵丁卽行斥革外並將該  
管大臣嚴懲不貸欽此

八旗竊案督緝勸懲

道光九年七月內奉

上諭步軍統領衙門奏京城八旗五營竊案翼尉副將等官例無處分未能認真督緝請定勸懲章程等語著照所請嗣後八旗五營報竊之案責令翼尉副將等官務各督同所屬實力緝拏若一季之內每翼每營未獲在十案以上者卽將該翼正副翼尉該營副將叅將遊擊等官交部議處如一季之內並無報竊案件准將該旗營各員等交部議

敘該部知道欽此

派管營房侍衛年滿紀錄毋庸陞等

道光九年十一月內奉

旨兵部彙題本內議敘派管侍衛營房之頭等侍衛  
吉齡阿紀錄一次二等侍衛敬敷按品陞等雖係  
照例辦理惟該員等同一管理三年期滿一則予  
以紀錄一則予以陞階定例殊未平允嗣後該管  
侍衛三年期滿均著紀錄一次毋庸按品陞等此  
次吉齡阿敬敷俱卽照新例各予紀錄一次欽此

盛京城內外戲班概行驅逐

道光十年三月內奉

上諭朕聞盛京將軍奕額有演戲宴會之事特命富  
俊等前往詳查茲據奏稱沿途採訪輿論知濟陽  
城本有弋腔戲班近又到一徽班將軍府內時常  
演劇比到省密訪相同並查得該將軍服用一切  
諸近奢華務耽豐美副都統常明亦喜演戲宴會  
性近奢靡等語盛京爲根本重地風俗素稱淳樸  
將軍副都統表率一方遇有旗民及地方官吏習

尙澆漓尙應力加整飭乃竟時常宴樂自蹈繁華  
豈能勝將軍副都統之任奕顯常明著交宗人府  
兵部嚴加議處卽來京聽候部議富俊著暫留盛  
京署理將軍印務保昌卽帶同司員回京復命陪  
都地方斷不容戲班聚集日趨侈靡著富俊卽將  
盛京城內外所有戲班雜劇概行驅逐飭令地方  
官嚴行查察嗣後再不准潛行入境每屆年終著  
該將軍會同五部侍郎奉天府府尹將境內並無  
戲班之處聯名具奏如再查有潛留之事惟該將



軍等是問欽此

刑名行查事件限期

道十年閏四月內奉

旨向來刑部承審案件本有定限完結惟案內有捉  
犯未到或行查未覆及患病之犯應行扣限各衙  
門與刑部原定之例尙未畫一至關歐之案必以  
辜限傷痕定罪名輕重其疑難重案遴員接審應  
照例扣限以專責成若罪止杖笞及無罪可料之  
人分別交各旗及司坊官等帶訊亦應定立傳限  
原例均未賅備著照刑部所擬嗣後在京衙門承

審事件限一個月完結刑部現審事件杖責等罪  
限十日完結發遣軍流等罪應入彙題者限二十  
日完結命盜等案應會三法司者限一個月完結  
至鬪毆殺傷之犯到案後以傷經平復及因傷身  
死之日爲始行查及提質並案犯患病以查覆及  
提到並病愈之日爲始接審者以接審之日爲始  
仍將應行扣限及三法司會審日期並於科道衙  
門註銷內聲明倘司員因循或法司不卽會審以  
致逾限如係書役作弊者將書役嚴加治罪承審

司員及會審遲延之堂司官一併交部分別議處  
內外移咨行查如催文三次無回文者照例題叅  
行文八旗內務府五城順天府提人於文到三日  
內無故不行送部者亦照例叅處至宗人府會審  
之案例無明文每於傳審時不卽到案以致結案  
遲延著宗人府定立限期分別辦理並著各該衙  
門纂入則例永遠遵行欽此

熱河額魯特總管等給與馬乾

道光九年正月內奉

上諭成格等奏額魯特呈交牧廠請酌給該總管等馬乾銀兩一摺熱河額魯特官兵自移駐伊犁以後該處人丁稀少逐年節省銀兩已多各官員等徒步當差並無騎馬業將牧廠呈交自應量爲調劑著照所請准其照熱河駐防旗員本身拴養官馬每月每匹支給乾銀二兩之例總管一員拴馬四匹副總管叅領各一員各馬三匹佐領二員各

馬二匹驍騎校並六品頂帶養鷹頭目共三員各  
馬一匹按照馬數每月支放乾銀以資當差所有  
此項銀兩除每年夏季照例出青分別扣給外統  
計每年需銀二百七十二兩由戶部照數給領按  
月支放該部知道欽此

八旗各營拴養散圈馬匹稽查點驗

一兩翼前鋒營八旗護軍營拴養散圈馬九百六十匹內備差馬四百六十匹騎操馬五百匹巡捕營拴養散圈騎操馬四百匹交各該旗營分給官兵加意餵養責成前鋒統領護軍統領步軍統領等妥爲經理並隨時派員逐一嚴密點驗倘有空拴疲瘦等弊除著落餵養官兵賠補外並據寔叅辦其拴養馬匹官兵姓名及馬匹毛片口齒按照八旗滿洲

蒙古漢軍拴養馬匹之例按季將所拴馬匹  
飭令該管官逐一點驗造冊三分一分存旗  
一分送部一分送查旗御史以備點驗如按  
季不行造送及點驗時並無印烙及疲瘦者  
將該章京大臣等交部分別議處如平時未  
經拴養于點驗時雇覓他人之馬充數者一  
經查出該管大臣章京交部議處兵丁嚴加  
責懲仍著落賠補所雇之馬入官並將冒領  
錢糧追繳



扈從官兵

恩賞銀兩及實給馬數

嘉慶十二年六月內奉

上諭自本年秋圍爲始按照各該官兵等原領馬數凡  
大圍減馬一匹加恩給銀四兩小圍減馬一匹給銀  
三兩卽於現在節省馬乾銀內隨時動支欽此

一恭遇

聖駕前往

盛京恭謁

祖陵前祇謁

東陵

西陵以及

巡幸各處武備院派出擡駝人等每名給馬一匹按  
派出名數實給一半馬匹其餘一半按匹給與減  
馬價銀

繙譯考試派左右翼副都統各一員稽查彈壓

道光元年十月初五日奉

上諭據御史奏近日繙譯考試多有鎗音頂替等弊  
磚門御史照名時親友跟役擁擠喧嘩不遵約束  
請派員彈壓等語考試場規理應嚴肅繙譯事同  
一例何得似此漫無約束嗣後考試八旗繙譯著  
承辦場務衙門奏請簡派左右翼副都統各一員  
屆期帶領所屬官兵在點名之處稽查彈壓令士

子等魚貫入場如有喧鬧冒混者按例懲辦並著  
御史等據實叅奏以肅場規而除積弊著爲令欽  
此

雲騎尉等兼印務章京其子不准挑補養育兵

一八旗各營除步軍校閒散雲騎尉驍騎校護軍校筆帖式等微末之員其子仍准照例挑補養育兵外至雲騎尉等身兼印務章京者其子即不准挑補養育兵如未兼印務章京之前其子已食養育兵錢糧者應於該雲騎尉等兼授印務章京後將其子所食養育兵錢糧隨時開缺另行挑補以示限制

在京八旗各營及各省駐防甲缺以六力官  
弓挑補

道光九年三月內奉

旨管理值年旗王大臣等復將旗營設立官弓覈實  
挑缺另行妥議著照所請嗣後前鋒護軍健銳火  
器各營每營設立六力官弓數張挑缺時先以官  
弓開試裕如者方准較射仍以中靶爲去取其挽  
強而不能命中與中靶而弓力稍軟者俱不准挑  
取其傾催馬甲挑缺著仍照舊制辦理各該旗都

統副都統等仍不時嚴行教誡勤加操演勿任日久懈弛欽此

道光十一年七月內奉

上諭朕恭閱

聖祖仁皇帝實錄內載康熙二十五年七月

諭旨駐防兵丁關係緊要歲月既久恐致疏懈必選嫻於騎射膂力驍勇者方准披甲現在兵丁內有庸弱不嫻騎射之人應革退另補不得虛充數目著嚴飭該管將軍等知之

諭煌煌意至深切當時已慮及駐防兵丁歷久疏懈  
閱今百有餘年承平日久恐該兵丁等於騎射操  
演漸涉因循廢弛殊失分防駐守講求武備之意  
夫兵可百年不用不可一日無備所有此項駐防  
兵丁該將軍副都統等務當督飭所屬隨時認真  
訓練如有技藝生疏者必應革退另補並揀選年  
力精壯嫻習騎射膂力驍勇者方准披甲毋得以  
老弱充數以期一兵得一兵之用將來倘有征調  
本館得力惟該將軍副都統等是問勿謂誥誡之



不早也將此通諭知之欽此

道光十一年八月內奉

上諭朕本年閱看三旗侍衛弓箭因思我朝自發祥以來

列聖乘訓八旗兵丁均以弓箭爲重必應永遠遵行於平時勤加訓練使知激勸方足以成勁旅而資捍衛現在八旗都統副都統均係朕宗支親屬及信任大臣如果認真整頓俾兵丁咸能得力卽養育兵聞散人等亦均知所觀感八旗營務自然日有

起色該都統等盡心職守克副倚畀不獨朕知人  
善任深爲嘉悅卽該都統等亦覺與有光榮近因  
承平日久武備漸就廢弛各都統等於挑選披甲  
時往往計及於兵丁家口並不視弓箭之優劣爲  
去取殊不知兵餉之設原以養有用之兵並非養  
贍貧乏戶口各旗披甲均有應行練習差使與養  
育兵之調劑生計者不同顧名思義自不應以技  
藝平常庸懦無能者濫行挑補虛糜帑項且遇缺  
挑選隨時可以整頓並非另立操練章程何難實

力奉行各省駐防兵丁固須悉心校閱八旗拱衛  
神京關繫尤重不可不加意講求著通諭八旗都  
統等嗣後遇有披甲缺出務當認真考驗必須弓  
力較強箭有準頭者方准挑補不得藉口調劑以  
致有名無實兵力日形軟弱並著查旗御史於各  
旗挑缺時留心查察如該都統等意涉瞻徇所挑  
之兵仍有弓箭平常者卽行據實嚴叅其各省駐  
防挑缺時並著該將軍等一體遵照均以弓箭爲  
重以副朕講明武備訓勵旗人之至意欽此

道光十一年九月內奉

上諭富俊奏請覈實操演一摺國家額設兵丁必須  
平日勤加訓練使知激勸方足以成勁旅而資捍  
衛前經降旨訓諭各都統等於挑選披甲時均以  
弓箭爲重茲據富俊奏八旗定例向係開六力弓  
近日仍用本人弓箭往往以二三四力虛報六  
力似此相習成風兵力日形軟弱於武備大有關  
係自應嚴加考覈著照所請嗣後八旗各營凡挑  
缺揀選均遵定例用六力官弓校射以定去取富

後所管鑲紅旗滿洲據奏置有六力八力弓各二張弓制一分月月挑缺揀選均以制準官弓校射如有告拉八力弓者若果裕如卽以八力弓爲合式每次挑選並不乏人可見我八旗原知向上總在教訓何如耳至八旗各營均有公費銀兩不難置辦官弓著卽倣照辦理該都統務當認真嚴實考驗不得仍令本人捏報弓力日久視爲具文以致有名無實並著查旗御史於各旗挑缺時留心查察如該都統等意涉瞻徇所挑之兵仍有虛報

弓刀情弊卽行據實嚴叅其各省駐防挑缺時並  
著該將軍等一體遵照均用六力弓爲準以符定  
例而重武備將此通諭知之欽此